

集部

定四庫

續文章正宗卷五 集部

詳校官右中允日 越

助教臣常循覆勘

校對官中書臣潘庭筠 覆校官中書 臣康儀釣 **腾铅页生巨**劉

塇

飲定四車全書 司馬温 U STATE OF THE STA CEAN. CONTRACTO CONTRACTOR District Company 橋文章正宗 易德務為忠厚人人自重恥 時叙民安其生風俗 胡 倪 真徳秀 澄 松 蘓 增訂 重編 原本 軾

聲延以其族萬人來降黃河始次曹村既築靈平復决 常懷毒自疑數入為冠上命諸將按兵不戰示以形勢 言人過中國無事四夷稽首請命惟西羌夏人叛服不 涇原至鎮戎城下五日無所得一夕遁去 而西羌兀征 上所欲不求而獲而其所惡不麾而去天下晚然知天 大溢及冬水入地益深有北流赴海復禹舊迹之勢凡 不數月生致大首領思章青宜結闕下夏人十數萬冠 小吳横流五年朔方騷然而今歲之秋積雨彌月河不

意與上合庶幾復見至治之成家給人足刑措不用如 とこりをしたう |文章名於世而以忠義自結人主朝廷知之可也四方 順以先天下而用司馬公以致天下士應是三德矣且 順又以尚賢也是以自天祐之吉無不利令二聖躬信 咸平景徳間也或以問臣軾上與太皇太后安所施設 以臣觀之公仁人也天相之矣何以知其然也曰公以 孔子曰天之所助者順也人之所助者信也履信思乎 而及此臣軾對曰在易大有上九自天祐之吉無不利 續文章正宗

忘也久矣而名震天下如雷霆如河漢如家至而日見 然如顏子之在陋巷緊然如屈原之在陂澤其與民相 中國知之可也九夷八蠻何自知之方其退居於洛眇 之人何自知之士大夫知之可也農商走卒何自知之 超定四周全書 **斂雅變色咨嗟太息或至於流涕也元豐之末臣自登** 夷狄以至於姦邪小人雖惡其害已仇而疾之者莫不 之聞其名者雖愚無知如婦人孺子勇悍難化如軍伍 人朝過八州以至京師民知其與公善也所在數千 卷.五

久己日臣八十 使至遼夏者敵必問公起居而遼人敕其邊吏曰中國 涕者不可勝數公懼而歸洛遼人夏人遣使入朝與吾 而往吊粥衣以致真巷哭以過車者盖以千萬數上命 相司馬矣慎女生事開邊隊其後公薨京師之民罷市 夫言公初入朝民擁其馬至不得行衛士見公擎跽流 人聚而號呼於馬首曰寄謝司馬丞相慎母去朝廷厚 戸部侍郎趙瞻内侍省押班馮宗道護其喪歸葬瞻等 自爱以活百姓如是者盖千餘里不絕至京師聞士大 續文章正宗

育矣書曰惟尹躬暨湯咸有一德克享天心又曰德惟 像以祠公者天下皆是也此豈人力也哉天相之也匹 之性則能盡物之性能盡物之性則可以賛天地之化 夫而能動天亦必有道矣非至誠一德其孰能使之記 者其詞尤哀蛀鄉於手頂以送公葬者凡百餘人而畫 數萬人而嶺南封州父老相率致祭且作佛事以薦公 既還皆言民哭公哀甚如哭其私親四方來會葬者盖 金片四周全書 曰惟天下之至誠為能盡其性則能盡人之性能盡人 卷:

潦不能終朝而一終之溜可以達石者一與不一故也 **飲定四車全書** 孚之後王之裔孫征東大將軍陽始葬今陝州夏縣淶 言曰誠曰一公諱光字君實其先河內人晉安平獻王 論公之德至於感人心動天地巍巍如此而蔽之以二 誠而一古之聖人不能加毫末於此矣而況公乎故臣 喜或以一言使人而人死之者誠與不誠故也稽天之 水鄉子孫因家馬曽祖諱政以五代我亂不仕贈太子 動罔不吉徳二三動罔不凶或以千金與人而人不 續文章正宗

甫氏妣聶氏皆封温國太夫人公始以進士甲科事仁 帝為諫議大夫龍圖閣直學士論陝西刺義勇為民患 宗皇帝至天章問待制知諫院始發大議乞立宗子為 縣今贈太子太傅考諱池寶元慶歷問名臣終於兵部 太保祖諱炫舉進士試秘書省校書即終於耀州富平 及内侍任守忠姦蠹乞斬以謝天下守忠竟以譴死又 後以安宗廟宰相韓琦等因其言遂定大計事英宗皇 郎中天章閣待制贈太師温國公曽祖妣薛氏祖妣皇

學士出知永興軍遂以留司御史臺及提舉崇福宮退 當時士大夫不附安石言新法不便者皆倚公為重帝 青苗助役農田水利謂之新法公首言其害以身爭之 一欲以横山之衆降公極論其不可納後必為邊患已而 論漢安懿王當準先朝封贈期親尊屬故事天下義之 以公為樞審副使公以言不行不受命乃以為端明殿 事神宗皇帝為翰林學士御史中丞西戎部将嵬名山 果然勸帝不受尊號遂為萬世法及王安石為相始行

次定四車全野

編文章正宗

賀二聖皆臨其喪哭之哀甚報視朝贈太師温國公秘 太皇太后聞之働上亦感涕不已時方祀明堂禮成不 |公卧病以元祐元年九月丙辰朔薨於位享年六十八 擇守令監司以養民期於富而教之凛凛嚮至治矣而 路分别和正進退其甚者十餘人旋罷保甲保馬市易 及諸道新行鹽鐵茶法最後遂罷助役青苗方議取士 居於洛十有五年及上即位太皇太后攝政起公為門 下侍郎遷正議大夫遂拜左僕射公首更詔書以開言

久二日年/江 承奉郎以元祐二年正月辛酉葬於陝之夏縣凍水南 尚書存之女封清河郡君先公卒追封温國夫人子三 見上與太皇太后進公之速用公之盡而不知神宗皇 以志其墓矣故其詳不復再見而獨論其大縣議者徒 人童唐皆早亡康令為秘書省校書郎孫二人植桓皆 文以命臣軾臣盖甞為公行狀而端明殿學士范鎮取 原之晁村上以御篆表其墓道曰忠清粹徳之碑而其 續文章正宗

品禮服諡曰文正官其親屬十人公娶張氏禮部

字二聖之知公也知之於既同而先帝之知公也知之 違者書數十上皆盡言不諱盖自敵以下所不能堪而 友道足以相信而權不足以相休戚然猶同已則親之 帝知公之深也自士庶人至於卿大夫相與為賓師朋 金分四周全書 異已則疎之未有聞過而喜受誨而不怒者也而況於 至為叙其所著書讀之於通英閣不深知公而能如是 先帝安受之非特不怒而已乃欲以為左右輔弼之臣 君臣之間乎方熙寧中朝廷政事與公所言無一不相

宗汝於李動無恩我令青出之汝當授以僕射乃出動 專享得賢之利先帝知公如此而卒不盡用安知其意 計遠慮者類皆如此寧其身不受知人之名而使其子 紹宗與動亦非公之流然古之人君所以為其子孫長 世宗曰侯景再利河南十四年矣諸將皆莫能敵惟慕容 於方異故臣以先帝為難昔齊神武皇帝寝疾告其子 為疊州都督夫齊神武唐太宗雖未足以比隆先帝而 紹宗可以制之我故不贵留以遗汝而唐太宗亦謂高

たこり見しはう

編文章正宗

童萬人環之如渴赴泉孰不見公莫如我先二聖忘已 擇相我與授之其相惟何太師温公公來自西一馬二 · 克之初神母詔之匪亟匪徐聖神無心孰左右之民自 於皇上帝子惠我民孰堪顧天惟聖與仁聖子受命如 金与四周全書 賈於途我耕於野士曰時哉既用君實我後子先時不 惟公是式公亦無我惟民是度民曰樂哉既相司馬爾 可失公如麟鳳不熱不搏羽毛畢朝雄校率服為政 不出於此乎臣既書其事乃拜手稽首而作詩曰

年疾病半之功則多矣百年之思知公於異識公於微 匪公之思神考是懷天子萬年四夷來同為於清廟神

考之功

宋有天下百二十有五年六聖相師專用一道曰仁不 雜他術刑以不殺為能兵以不用為功財以不聚為富 趙康靖公神道碑代張文

人以不作聰明為賢雖有絕人之材而德不至終不大

とこのは 1.11. 用六聖一心守之不移故自建隆以來至於今卿相大

續文章正宗

金分四屋分書 容人之有技若已有之人之彦聖其心好之不啻若自 書曰如有一介臣斷斷猗無他技其心休休馬其如有 之助也易曰師貞丈人吉詩曰雖無老成人尚有典刑 以為常德是以四方义安兵革不試民之戴宋有死無 臣號多長者記人之功忘人之過含垢匿瑕犯而不校 服事三朝四十餘年其德合於易之所謂大人詩之所 其口出是能容之以保我子孫黎民故太子少師趙公 二自漢以來未如今日之盛者此六聖之德而聚長者

久己ヨミ ここう 今贈太師中書令兼尚書令韓國公妣李氏燕國太夫 孙篤學自力年十七 舉進士當時聞人劉筠戚綸黃宗 國公妣張氏魯國太夫人高氏唐國太夫人公七歲而 士贈太師中書令妣劉氏楚國太夫人祖惠宋州楚邱 旦皆稱其文詞必顯於時而其器識宏遠則皆自以為 人父幹尚書駕部員外郎贈太師中書令兼尚書令曾 人也徙於宋之虞城七世矣曾祖著後唐國子毛詩博 謂老成書之所謂一介臣者公諱縣字叔平其先河朔 竹文章正六

數連水有魚池利入公 都歲殺魚十餘 萬公始罷之作 者三十餘人歲飢公勸誘富民得米萬石所活不可勝 餘慶以贓敗及公為守將至或榜其所館曰豹隱堂賦 館公於官舍以教其子餘慶所為多不法公謝去數月 郎集賢校理出知連水軍公為進士時鄧餘慶守連水 父老故人幅巾徒步人人至其家召試學士院除著作 不及當赴禮部試楚守胡令儀醵黃金以贈之公不受 天聖五年擢進士第三人授將作監丞通判海州歸見

金分四月全書

卷五

戊所逃還犯夜者公即斬以徇收陶下獄得其姦贓且 順之共造飛語以動公曰歸化兵得廩米陳惡有怨言 州有歸化兵皆故盗贼配流已而選充者與與郡人胡 屬吏有鄭陶饒爽者挟持郡事肆為不法前守莫能制 放生砰池上移守通州入為開封府推官奏事殿中賜 奏徙與歙州 不更給善米且以有變公笑不答會歸化卒有自容州 五品服且欲以為直集賢院宰相以例不可出知洪州 郡股栗城西南隅當大江之衝水歲為 打し年日六

敏定四庫全書 如父母我不忍犯遂冠盧壽犬牙不入境召修起居注 恃限以全至於今賴之遷刑部員外郎同知宗正寺出 之有方民不以為勞明年夏隄成而水大至度與城平 小二過境上告人曰我東人也公當為青州東人爱之 是歲夏稅先一月辦坐失舉張語奪官罷歸起監客州 知青州改直集賢院賦稅未入中限飭縣不得輒催科 酒徒楚州糧料院以郊放還官職知滁州山東大賊李 民患公建為石隍高丈五尺長二百丈用石九千段取

當三班院會郊禮當進階封且任一子京官乞以母封 修而難於疏公公聞之乃請郡自便以為天章閣待制 母病不得出幾不能生公矍然即請郡以便親宰相謂 朝夕不可期願及今以為紫後遂以為例改知審官院 朝廷欲同修玉牒久之除歐陽修起居注朝廷欲縣用 郡太君宰相謂公學士擬封不久矣公曰母年八十二 秘閣與髙若納同判流內鈴若納言往當知貢舉 三品服糺察在京刑獄遷兵部員外郎遂知制語勾 青とを下に

得其實乃誅清李參為河北轉運使職事辨治進秋二 言不妄不可遷若詐亦不可不誅詔公與包拯雜治之 在京諸司庫務姦人冷清詐稱皇子遷之江南公曰清 之懷袖使還加侍讀學士歷右司郎中中書舍人提舉 報時馬會雅於與雲山之西請公賦詩詩成契丹主親 母憂服除召入翰林為學士知貢舉館伴契丹泛使遂 公曰旦夕為學士可少待也公不聽遂除蘇州明年丁 酌玉盃以勸公且以素扇授其近臣劉六符寫公詩置

欽定四庫全書

欠こりき たよう 命英宗領宗正公言宗正未足為重遂與執政建言宜 曹州拜祭知政事方是時皇嗣未立天下以為憂仁宗 宜典兵衛未行會公拜極密副使復言之乃出茂實知 **剩员禁中烧銀公力言其不可遂出之又言張茂實不** 侍郎知鄭州徙南京留守拜御史中丞中官鄧保吉引 無功不可實上怒欲罪中錫公言陛下始面諭申錫母 等且官其一子郭申錫為諫官爭之曰杂職事所當辦 面從吾過今點之何以示天下乃以龍圖閣學士禮部 緒文章正宗

觀文殿學士吏部尚書知徐州遂請老不已以太子少 奏書知有志爱君之士雖退休山林未當一日忘也當 士大夫請老而去者皆以聲聞不至朝廷為高得鄉所 集古今諫爭為諫林一百二十卷奏之上甚喜賜詔曰 寧初遷左丞公年七十矣求去位不許章數上乃以為 立為皇太子從之英宗即位遷戸部侍郎又遷吏部熙 置坐右以時省閱上祠南郊明堂率當召公陪祀每辭 師致仕居睢陽十五年猶以讀書著文憂國愛君為事 卷五

金云四月全書

第享年八十八報視朝一日贈太師誠康靖前作遗範 十五年卒於郭州子祭緒殿中及敦緒將作監主簿皆早 地與日皆公所自卜也娶李氏封汝陰郡夫人先公二 **てこりしここ** 以戒子孫織悉必具以其年月日葬於宋城縣天巡鄉 郡開國公賜號推忠保德翊戴功臣元豐初省功臣號 問二府就所館宴勞之累階至特進勲上柱國封天水 三年官制改行特進六年正月十五日薨於永安坊里 衛之軍正六

以老疾閒當一至都下亦以足疾不入見詔中貴人撫

婁師德之徒云始歐陽修疏公為知制語人意公不能 德報怨出於至誠非勉强者天下稱之庶幾漢劉寬唐 真宣義郎嗣賢試校書郎嗣光未命曾孫男六人難太 平及修坐累對詔獄人莫敢為言獨抗章言修無罪為 人實無所怨怒非特不形於色而已專務掩惡揚善以 廟齊郎餘未名公為人樂易深中恢然偉人也平生與 亡元緒宣德郎公緒校書郎女二人長 通光禄寺 五王 力臣幻適朝奉大夫程嗣恭孫男四人嗣嚴通直郎嗣

多定匹库全書

卷五

次已日東上島 其貧不可以已俸償之公所為大畧如此至於敦尚契 錢三十萬當以浩職田租償官公曰浩吾同年也且知 海上勞問賙給之代馮浩為鄆州吏舉按浩侵用公使 皆一時名人若舉而棄之失士大夫望非朝廷福張語 樂飲旬日蘇舜欽為進奏院以羣飲得罪公言與會者 仇人所中傷陛下不可以天下法為人報仇上感悟修 以贓敗竄海上公坐貶累年而憐誥終不衰間使人至 以故得全公既老修亦退居汝南公自睢陽往從之游 約文章正宗

舊葬死養狐盖不可勝數余於公為里人少相善也退 鑒於暴秦歷祀四百世載其人赫赫我宋以聖絕神於 無追劾此子喋喋巧諛帝用感悟老成是親清淨無為 計有餘在漢孝文發政之初欲以利口登進嗇夫有臣 維古任人仁義是圖仁近於弱義近於适課其功利歲 不可以辭銘曰 而老於鄉日從公游盖知之詳矣元緒以墓碑為請義 釋之實矢厥謨世謂長者絳侯相如皆訥於言有口若

金与四屋台書

次足口巨人 仁宗皇帝在位四十一年蒐攬天下豪傑不可勝數既 亡矣吾誰與存作此銘詩以詔後見 知其賢望其容貌有恥而悛薄夫以敦鄙夫以宽令其 濟於艱難不愛不跋公在朝廷靖恭寡言不忮不求孰 愠用之不懌帝識其心長者之傑遂授以政歷佐三葉 移仁宗如箴之春招延朴忠屏遠传人豈獨左右刑于 庶民維時趙公含徳不發如圭如璧如金如錫置之不 張文定公墓誌銘 顧文章正宗 <u>+</u>

年而以制策取人一舉而得富弼再舉而得公公姓張 容巴也故當竊論之天下大器也非力兼萬人其孰能 惟天為大惟堯則之天下未當一日無士而仁宗之世 者又留以為三世子孫百年之用至於今賴之孔子曰 金为四周分書 舉之非仁宗之大其孰能容此萬人之英乎盖即位八 獨為多士者以其大也賈誼歎細德之檢微知鳳鳥之 自以為股肱心膂敬用其言以致太平而其任重道逐 不下閔溝瀆之尋常知吞舟之不容傷時無是大者以

魏國公娶嵇氏追封熊國太夫人公年十三入應天府 以父命勉娶非其意也父没遂居一室家人莫得見其 追封沛國太夫人考堯卿生而端默寡言有出世問意 知鄞州賜親札給全俸終於尚書都官員外郎娶劉氏 追封武功郡太夫人祖幡以進士及第太宗當召對選 為亳州刺史曾祖文熙亳州軍事推官贈太師娶蘇氏 面者十有七年與祖考皆贈太師開府儀同三司皆封 氏諱方平字安道其先宋人也後徙揚州髙祖克唐末 東七年王六

蘇州得公所著夠善論五十篇上之以賢良方正能直 等薦之以景祐元年中選授校書郎知崑山縣将堂為 草宋綬蔡齊見之曰天下奇材也與范諷皆以茂才異 **禮絕以激使其衆公以謂朝廷自景德以來既與契丹** 言極諫薦公射策優等遷著作佐郎通判睦州時趙元 吾已得其詳矣凡書皆一閱終身不再讀屬文未當起 昊欲叛而未有以發則為慢書求大名以怒朝廷規得

銀定匹庫全書

學顏悟絕人家貧無書當就人借三史旬日輒歸之曰

勝之道也是時士大夫見天下全盛而元昊小醜皆欲 意外之患當含垢匿瑕順適其意使未有以發得歲月 發兵誅之惟公與吳育同議議者不深察以二人之論 國用兵三年而不見勝負不折則破我以全制其後必 元昊終於必叛而兵出無名吏士不直其上難決勝小 之頃以其閒選將属士堅城鋭器為不可勝以待之雖 矣若驟用之必有喪師蹶將之憂兵連民疲必有盜賊 盟天下忘備將不知兵士不知戰民不知勞盖三十年 青し年上六

賜五品服直集賢院運太常及知諫院首論祖宗以來 渭而與州巢穴之守必虚我師自麟府渡河不十日可 見之謂宋終曰君能為國得人矣然不果用其策召對 至此所謂攻其所必救形格勢禁之道也宰相呂夷簡 為出於姑息遂決用兵天下騷動公獻平戎十策六暑 已宜及民之完屯重兵河東示以形勢賊入冠必自延 以邊城千里我分而賊專雖屯兵數十萬然賊至常以 一擊十必敗之道也既敗而圖之則老師費財不可為

銀定四庫全書

在為冠自是民大国國用一空識者以不從公言為恨 守兵多揀赴闚郡縣無偷命調額外弓手公在睦州條 **誠徳仰成二府不可以不合仁宗嘉之會富弼亦論此** 雖分中書樞客院而三聖英武獨運斷歸於一令陛下 十四萬人保捷九萬人皆市人不可用而宣毅驕甚所 弓手為宣毅保捷指揮公連上疏諍之甚力不從宣毅 上利害八事及是有旨遣使於陕西河東京西四路刺 遂命宰相無樞密使方元昊之叛也禁兵皆西而諸路 7. 17... 21... 博之軍正宗

勝負乎願因今歲郊赦引咎示信開其自新之道申敕 慨然上疏曰陛下猶天地父母也豈與此犬豕豺狼較 年西方用兵盖六年矣上既厭兵而賊亦困弊不得耕 各得專達人人自効邊備修完賊至無所得及慶歷元 **咏獨不問賊圍麟府詔竦出兵牽制竦逗留不出使賊** 時夏竦并護四路劉平石元孫任福之敗皆敗主帥而 銀定匹庫全書 牧休息敵中疋布至十餘千元昊欲自通其道無由公 平豐州夷靈遠而去公極言之詔罷竦節制自是四路 卷纟

とこううしい 左右曰有臣如此佳哉騎而擊毬於公前以其所乗馬 微行觀公於范陽門外及燕親請前酌玉巵以飲公顧 遺策雖不盡用然西師解嚴公有力馬修起居注假起 放書開諭如公意明年元昊始請降自元昊叛公謀無 邊吏勿絕其善意若猶不悛亦足以怒我而怠彼雖天 居舍人知制诰使契丹戎主雅聞公名與其母后族人 書呂夷簡讀之拱手曰公之及此是社稷之福也是歲 地鬼神必將誅之仁宗喜曰是吾心也命公以疏付中 續文章正宗

遺毫釐更民大驚以為神不敢復欺復拜翰林學士領 境上而契丹與元昊構隊使來約我請拒絕其使時議 羣牧使牧事久不治公始整齊之元昊遣使求通已在 者皆書板以記事公獨不用點記數百人以次決遣不 修以屬公於是粲然復完權知開封府府事至繁為尹 金分四屆全書 史館修撰章得象監國史以日歷自乾與至慶歷廢不 試知制語遷右正言賜三品服語命簡嚴四方誦之魚 賜公朝廷知之自是敵使挾事至者輒命公館之尋召

絕仁宗以書示公與宋祁公上議曰書詞如此是拒契 契丹遣使為言腳宜審處其事但嫌隙朝除則封冊暮 **欵本縁契丹之請令聞卿招誘契丹邊戸失舅甥之歡 怨必自是始聽而絕之則中國無復信義永斷招懷之** 冊元昊而契丹之使再至能終不聽乎若不聽契丹之 者欲遂納元昊故為答書曰元昊若盡如約東則難拒 之こう ラーシュー 理矣是一舉而失二敵也宜賜元昊詔曰朝廷納卿誠 丹而納元昊得新附之小羌失久和之强敵也岩巳封 衛之軍正京

對昌朝使人約公當以代育公怒叱遣曰此言何為至 賜皆力爭裁抑之尋知貢舉士方以游詞儉語為高公 御史中丞中外之事知無不言至於宮妾官官濫恩横 行矣如此於西北為兩得時人伏其精識拜諫議大夫為 之皆當郊而費用未具中外以為憂宰相欲以是危公 於我哉既對極論二人犯正曲直然育卒罷髙若訥代 諭學者宰相賈昌朝與參知政事吳育忿爭上前公将 上疏以謂文章之變實關盛衰不可長也詔以公言時

金方四月全書

敵鹽益售是為我斂怨而敵 獲福乎敵鹽滋多非用兵 鹽犯輛處死世宗北伐父老遮道泣訴願以鹽課均之 鹽何也仁宗驚曰始立法非再也公曰周世宗惟河北 請權河北鹽既立法矣而未下公見上問曰河北再權 喜至於今計司先郊告辦盖自公始前三司使王拱辰 復拜翰林學士為三司使公領使未幾以辨聞仁宗大 推予且今未権也而契丹常盗販不已若椎之則鹽貴 两税錢而弛其禁世宗許之令兩稅鹽錢是也豈非再 清之章正宗 Ŧ

使鄉黨榮之仁宗遂欲用公而公以目疾求去甚力乃 報上恩且刻詔書北京至今父老過其下必稽首流涕 韶下之河朔父老相率拜迎於澶州為佛老會七日以 直以手詔罷不可自有司出也仁宗大喜命公客撰手 悟曰卿語宰相立罷之公曰法雖未下民已戸知之當 莫能禁也邊除一開所獲利能補用兵之費乎仁宗大 加端明殿學士歸院判尚書都省無領銀臺司審刑院 南京鴻慶官成奉安三聖像當遣柄臣特命公為禮儀

金定四厚全書

欽定四庫全書 財省費之道然多不得其要公自為諫官御史中丞三 亡為書數百卷自陝右用兵公私困之士大夫爭言豐 古無是禮若果行之天下謗議必大奉於公終身不可 雪也執中聳然敬從公言而罷修宗正寺玉牒補綴失 漢馮婕好身當猛獸不聞有所尊異且皇后在尊貴妃 以尊異貴妃之禮宰相陳執中不知所為公見執中言 以貴妃張氏有扈蹕之功樞密使夏竦倡言宜講求所 太常寺事慶歷中衛士夜逾宮垣為變仁宗旦語二府 養五章正宗

政出一 草制書又條對所問數千言夜半與制書皆上仁宗驚 勘遷補之法既壞而任將養兵皆非舊律國用既窘則 異又手詔獨策公明日復出數千言大畧以謂太祖定 賜坐手詔問天下事公退直禁林是日有古鎖院公民 天下用兵不過十五萬今百餘萬而更言不足自祥符 以來萬事墮弛務為姑息漸失祖宗之舊取士任子磨 司使皆為上精言之一日仁宗御資政殿召兩府侍從 切大商姦民乘隙射利而茶鹽香攀之法亂矣

欽定四庫全書 暇展布心體為國立事哉此風不革天下無時而治也 收禮後輩有不然者則謗毀隨之惴惴馬惟恐不免何 皆可以構危其上自将相公卿宿貴之人皆爭屈體以 道干譽利口為賢內則臺諫外則監司下至胥吏僮奴 離合之間比年已來朝廷頗引輕儉之人布之言路違 今所宜救治施行之器而其末乃論古今治亂在上下 此治亂盛衰之本不可以不急治公既明習歷代損益 又周知祖宗法度悉陳其本末贏虚所以然之狀及當 續文章正宗

卷五

給事中知杭州公平生學道虚一而靜故所至皆不言 其狀獨引公近御榻密訪之且有大用語公歎曰暴人 侍復賜問目曰朕之闕失國之姦羸朝之儉諛皆直言 上悟還端明殿學士知江寧府明年加龍圖閣學士遷 自信不郵毀譽故小人思有以中之會三司判官楊儀 以請求得罪公坐與儀厚善遂罷職出知滁州不數月 之私迫人於嶮而攘之我不為也終無所言公既剛簡 上益異之書文儒二字以賜月餘御迎陽門召兩制近

欽定四庫全書 改戶部侍郎移鎮西蜀始李順以甲午歲叛蜀人記之 帥不可為也异以故得不罷以公為禮部侍郎知滑州 知秦州公力解不拜曰浜與昇有階級令互言而兩罷 畿内税三分遂為定制泰州叛羌斷古渭潞帥張昇發 朝判流內銓建言畿內稅重非所以示天下是歲郊赦 至是方以為憂而轉運使攝守事西南夷有邛部川首 兵討賊而副總管劉溪不受命皆罷之拜公侍讀學 而治既去人必思之自杭丁太夫人憂服除以舊職還 卷五章正宗 盂

之道遇戍卒兵仗輔遣還入境下令邛部川曰冠來吾 言南詔去蜀二千餘里道嶮不通其間皆雜種不相役 蜀兵仗絡繹相望於道詔促公行且許以便宜從事公 **賤粥穀帛市金銀埋之地中朝廷聞之發陕西步騎戍** 聞之大驚移兵也邊郡益調額外弓手發民築城日夜 領者妄言發賊僕智高在南部欲來冠蜀攝守妄人也 屬安能舉大兵為智高冠我哉此必妄也臣當以靜鎮 不得休息民大驚擾爭遷居城中男女昏會不復以年

欽定四庫全書 半因建言令之京師古所謂陳留天下四衝八達之地 有三年糧而馬栗倍之至是馬栗僅足一歳而糧亦減 於湖南西南夷大震先是朝廷獲智高母子留不殺欲 四十萬減鑄鐵錢十餘萬蜀人至今紀之初主計京師 會上元觀燈城門皆通夕不閉蜀遂大安已而得邛部 以招智髙至是乃伏法復以三司使召還奏罷蜀横賦 川之譯人始為此謀者斬之泉首境上而配流其餘黨 自當之妄言者斬悉歸屯邊兵散遣号手罷築城之役 **卷五章正宗**

謂公曰自慶歷以來公論食貨詳矣朝廷每有所損益 息稱善弼曰此國計大本非常奏也悉如所啓施行退 始輟用汴夫其後淺妄者爭以裁減費役為功河日以 **恃食食恃漕運汴河控引江淮利盡南海天聖以前崴** 相富码讀公奏上前畫漏盡十刻侍衛皆跛倚仁宗太 埋塞今仰而望河非祖宗之舊也遂畫漕運十四策字 發民浚之故河行地中有張君平者以疏導京東積水 非如雅洛有山河形勝足恃也特依重兵以立國耳兵

有偷故也有備而賊不至則以輕舉罪之邊臣自是不 ストンフラ しょたラー 不出塞何名為輕舉張公豈輕者哉賊所以不至者以 言者因論公無賊而輕舉宰相曾公亮昌言於朝曰兵 山林公即料簡將士聲言出塞實按軍不動賊既不至 騎借閱士馬築堡軍策城之西壓秦境上屬戸皆逃匿 尚書左丞知南京未幾以工部尚書知泰州時諒祚方 年而京師有五年之蓄遷吏部侍郎復以目疾請都遷 必以公奏為議本凡除主計未當敢先公也其後未春 網文章正宗 去

在藩邸時見其夠養論及所對策近代言之臣未官副 州英宗獲欲召還而左右無助公者一日謂執政曰吾 去朝廷哉公力請行加侍讀學士徒定州乞歸養改徐 都省請知鄆州陛解論天下事英宗戴曰學士其可以 未當擇也宣微使於我何有哉力請解復知南京封清 除宣藏使議者欲以是沮撓之公笑曰吾於死生禍福 敢為先事之備也議者乃服初命公秦州有古再任當 **留定四库全書** 河郡公英宗即位還禮部尚書知陳州過都留判尚書

とこの 単人にす 福寧殿上憑几不言賜公坐出書一幅八字曰來日降 公曰自慶歷以後擢任二府必条之中書臣知事君而 家副使上欲以公代之而執政請用郭達英宗以語公 指遠不覺前席曰吾昔奉朝請望侍從大臣以謂皆天 林學士承古問治道體要公以簡易誠明為對言近而 吾意若使居典語之任亦國華也執政乃始奉詔拜翰 已遷刑部尚書英宗不豫學士王珪當直不召召公赴 下選人今而不然間學士之言始知有人矣胡宿罷樞 續文章正宗 Ī

陶擊宰相參知政事具奎與之辨上欲罷產公適對上 金万四周全書 請捐之上曰奉先可損乎公曰遺制固云以先志行之 神宗即位召見側門公曰仁宗崩厚葬過禮公私騷然 與例足矣從之省費十七萬運戶部尚書御史中及王 過厚若錫資復用嘉祐近比恐國力不能支乞追用乾 天子之孝也上歎曰是吾心也公又奏百官選秩恩已 上力疾書以付公公既草制尋充冊立皇太子禮儀使 詔立皇太子公抗聲曰必顏王也嫡長而賢請書其名

欽定四庫全書 詔如公言久之琦求去堅甚夜召公議公復申前論上 久之繼出小紙曰奎位執政而擊中司謂朕手詔為內 批持之三日不下不去可乎公復論如初上從之賜時 王室願陛下復奎位手詔諭琦以全始終之分上嗟歎 辭公曰韓琦久在告意保全奎奎免必不復起琦勲在 右莫為先容可謂獨立傑出矣先帝已欲用卿今復何 **曰奎罷當以卿代公力辭上曰卿歷二朝無所阿附左** 日琦志不可奪也公遂建議宜寵以兩鎮節鉞且虚府 **養文章正宗**

論安石不可用不數日魏公捐館上歎息不已命近當 命以慰親意庶有廖也是夕復召知制語鄭獬内東門 南京留臺上欲以為宣戲使修國史不可則欲以為提 免服除以安石不悦拜觀文殿學士留守西京入覲請 及内司賓存問日至虚位以待公尋詔起復四上章乃 召對押赴中書御史中丞缺曽公亮欲用王安石公極 别殿諭以用公意制詢皆出上旨制出公以親疾在告 以示復用從之面命公為祭知政事以親疾解上曰受 駁公收其機不行而奏之上謂執政曰守臣不當兩耶 舉集禧觀判都省所以留公者百方公皆力辭遂知陳 輔京西漕檄捕监官以兵會所屬州白办滿野民大惶 即行矣上亦恨然至陳陝西方用兵卒叛慶州聲搖關 自焚之憂上雅敬公不甚其言曰能復少留乎公曰退 兵猶火也不戢當自焚若行新法不已其極必有覆舟 辭極論其害皆深言危語曰水所以載舟亦所以覆舟 州時方置條例司行新法大率欲豐財而强兵公因陛

欽定四庫全書

絕文章正宗

侯何為者哉命夷其廟立趙侯祠佛舍中未幾改南京 外板築喧甚曰民築嘉應侯張太尉廟公曰巢賊亂天 吾志即力請留臺而歸未幾復知陳州暇日坐西軒聞 利長吏初不與聞公曰吾衰矣雅不能事人歸數以全 衆公以事聞 韶立條約下諸路時監司皆新進趨時與 下趙犨以孙城力戰保此邦捍大患者也此而不祀張 不中意朝置司推治一州至數獄追逮數十里死者甚 **臨事乃見人詔京西兵各歸其舊吏方以岢察為能小** **欽定四庫全書** 漢超保關南皆十餘年優其禄賜宽其文法而少遣兵 許以世襲故邊園無事董遵海桿環州郭進守西山李 朝掩關終日無一客命坐賜茶尋拜宣戲北院使檢校 延和殿賜坐問祖宗禦戎之策孰長公曰太祖不勤遠 太尉判應天府公曰宣嶽使非寄任不除臣求鄉郡自 且命入覲不待次對前殿曰先帝當言卿不立交黨退 畧如夏州李奚與靈武馮暉河西折御卿皆因其貧豪 便而得之恐啓僥倖路上曰朕未之思改判青州告免 美五年正宗

徳大紫祖宗之事大畧如此亦可以鑒矣近歲邊臣建 先知併兵禦之戰無不克故以十五萬人而獲百萬之 **疑及澶淵之克遂與契丹盟至令人不識兵革可謂盛** 遂取燕蒯自是歲有契丹之虞曹彬劉廷讓傅潛等數 諸將財力豐而威令行間諜精審吏士用命賊所入輒 之變三邊皆擾而朝廷始旰食矣真宗之初趙德明納 用終太祖之世邊鄙不聳天下安樂及太宗平并州殺 十戰各亡士卒十餘萬又內徒李憂興馮暉之族繼遷

欽定四庫全書 煩泄其情六符色目之英歸以此得罪令禧點敵願如 |學士可謂舊德矣時契丹遣泛使蕭禧來上問敵意安 學士誓詔封冊皆臣所草具言本末上點曰爾時已為 用兵昔蕭英劉六符來仁宗命二府置酒殿廬與語英 在公日敵自與中國通好安於豢養吏士驕惰實不欲 慶歷以來卿知之乎元昊初臣何以待之公曰臣時為 事成则身蒙其利不成則陛下任其患不可聽也上曰 開拓之議皆行儉僥倖之人欲以天下安危試之一 经主章正宗 圭

新禧至以河東疆事為辭上復以問公公曰嘉祐二年 **卧驛中不起執政未知為言公班次二府因朝謂樞察** 敵使蕭扈當言之朝廷討論之詳命館伴正洙詰之扈 公曰應兵者兵禍之已成者也消變於未成善之善者 也公每辭去上輔遷延之三易其期遂詔公歸院供職 故事令大臣與議無屈帝尊與敵交口上曰朕念慶歷 不能對録其係目付扈以歸因以豪上之禧當解偃塞 再和之後中國不復為善後之備故修戎事為應兵耳

器邊開海船不復議錢之出故中國錢日耗而西南北 建明上數欲廢易汴渠公曰此祖宗建國之本不可輕 官使進對禮秩凡皆與執政同公在朝雖不任職然多 三敵皆山積公極論其害請詰問安石舉累朝之令典 臣誰敢言此自王安石為政始罷銅禁姦民日銷錢為 議餉道一梗兵安所仰食則朝廷無足兵之地矣非老 使吳充曰禧不即行使主者日致饋而勿問且使邊吏 以其故檄敵中可也充啓用其說禧即日行除中太一 唐文年正六

察使而卿論兵復異卿受先帝末命卒無以副朕意乎 皆優容之求去愈力上曰卿在朝豈有所好惡者歟何 較詔求直言公上疏論所以致變之故人皆為恐慄上 因注然泣下賜帶如常任宰相者高麗使過南京長更 上曰朕初欲卿與韓絳共事而卿論政不同又欲除樞 上知不可留乃以為宣藏南院使檢校太傅判應天府 欲去之速也公口臣平生未當與人交惡但欲歸老耳 所以保國便民者一旦削而除之其意安在有星李於

金定四库全書

こうし ここ 條上九事習知蠻事者皆服其精練師還如公言新法 篡立有磨末五代藩鎮傾奪之風此可以計破者也遂 隆以來吳昌文丁部黎桓李公組四易姓矣皆以大校 既粥坊場河渡司農又并祠廟粥之官既得錢聽民為 老師費財無功而還因論交趾氣俗與諸夷不類自建 使者見公恐慄不敢仰視師征安南公以謂舉西北壯 當送迎公言臣班視二府不可為陪臣屈詔獨遣少尹 士健馬棄之南方其患有不可勝言者若社稷之福則 緒文章正宗 Ī

子少師以宣嶽使致仕官制行罷宣敝院獨命公領使 言公請老不已拜東太一宫使使就第章數十上拜太 先帝地下有以籍口矣上為感動至永樂之敗頗思其 事益切至於論兵起獄尤為反復深言曰老臣且死見 者獨不可免於粥乎上震怒批出曰慢神辱國無甚於 斯於是天下祠廟皆得不粥公自念將老無以報上論 賈區廟中慢侮機踐無所不至公言宋王紫所基也而 以火王閼伯封於商邱以主大火微子為宋始封二祠

金定匹库全書

| 載先大夫游論古今治亂及一時人物皆不謀而同軾 學朝廷數欲用之以公老不忍去左右詔聽之三女長 嘉郡夫人四子邦彦大理評事邦直邦傑太常寺太祝 嘉之以其年十二月二日薨享年八十五計聞輟視朝 適殿中还蔡天申次適右朝奉郎王鞏其季已嫁而復 皆先公卒恕令為右朝散郎通判應天府信厚敦敏篤 詔有司議諡曰文定娶馬氏太常少卿絳之女追封永 輔臣嗟歎其忠正公遺命不請諡尚書右丞蘇轍為請 二日特贈司空制服死中官其親屬五人太皇太后對 六年詔復置宣徽使乃命公復南院章四上不拜里書 吳育宋祁三人皆敬憚之曰不動如山安道有馬晚與 書之典語無以 歸孫男四人欽咨欽亮欽弼欽憲孫女三人並幼公晚 自謂樂全居士有樂全集四十卷玉堂集注仁宗樂書 **欽定四庫全書** 卷神宗當賜親礼曰卿文章典雅煥然有三代之風 加馬西漢所不及也所與交者范仲淹 卷五章正宗

與伊訓說命相表裏非秦漢以來以事君為容說者所意自見於言語至出師表簡而盡不直而不肆大哉言子時所宗其論威孝章都鴻豫書慨然有烈丈夫之風諸時所宗其論威孝章都鴻豫書慨然有烈丈夫之風諸時所宗其論威孝章都鴻豫書慨然有烈丈夫之風諸與弟轍以是皆得出入門下軾當論次其文曰孔北海與弟轍以是皆得出入門下軾當論次其文曰孔北海

如舊令上即位執政輒能公使以太子太保致仕元祐

悦公者家不悦公者聚然至言天下偉人則必以公為人主故雖貴而不用用而不盡下不求合於士大夫故之氣行正大之言曰用之則行舎之則瀧上不求合於

者世遠道散雖志士仁人或少貶以求用公獨


以邁往

後言毀譽不動得丧若一真孔子所謂大臣以道事君

久己日良した 合得佛老之妙屬織之日凜然如平生有星隕於北牖 然久之日吾密薦公亮人無知者豈仁宗以語之乎載 及薨赤氣自寢而升里人望驚馬以七年八月九日庚 軾曰吾受知張公所以至此者公恩也軾以問公公恨 將而見州平熙寧中軾将往見公於陳宰相曾公亮謂 握用及貝州軍叛上欲遣公出征舉明鎬自代即以為 以是知公雖不偶於世而人主信之盖如此公性與道 首世以軾為知言公始為陳官薦劉變王質自代即日 續文章正宗 圭

賤君肆區區僕臣以得為喜功利之趨謗毀是逃我觀 出是生我公龍章鳳姿翔於千仞世挽留之浩然直前 其身夏畦之勞紛紜叢脞千載一律帝関下俗異人乃 申葬於宋城縣永安鄉仁孝里其子恕使以王輩之狀 有礙則止放為江河匯為沼沚移移三聖如天如淵前 大道之行士贵其身維人求我匪我求人秦漢以來士 來求銘銘曰 金定四周全書 惟誼見點心冠豈不用公道有不契出其緒餘則已

時復生此傑我作銘詩以詔王國 萬世公之所能我不敢知東雲馭風與江 えこりこ ここ 情と年王六 ŧ 何



欽定四庫

續文章正宗卷六

集部

詳校官右中九臣薩 敏 助

教臣常循覆勘 校對官中書臣潘庭筠 覆校官中書日康儀釣 **腾舒監生臣張德媽**

大きり手とき A STATE OF THE STA **经验证** (1) 经银行 SCHOOL SERVICE 精文章正宗 Section 1 九于汝陰八年秋九月諸 开至崇寧五年凡三 偬 胡 真德秀 原本 澄 增訂 重編

多りせんと言 封韓國太夫人公諱修字永叔生四歲而孙韓國守節自 世因家于古曾祖諱柳南唐武昌令贈太師中書令姚劉 中書令兼尚書令妣李氏追封吳國太夫人考諱觀泰州 氏追封楚國太夫人祖諱偃南唐南京衙院判官贈太 師 病不能執筆辭不獲命乃曰病尚不死當如君志既而病 有二年矣公子棐以墓隧之碑來請報方以罪廢于家且 軍事推官贈太師中書令兼尚書令封鄭國公妣鄭氏追 謹案歐陽氏自唐率更令之四世孫琛為吉州刺史後

鎮南節度掌書記館閣校勘時范文正公知問封府每進 冠天下留守王文康公知其賢還朝薦之景祐初台武遷 中甲科補西京留守推官始從尹師魯遊為古文議論當 翰林學士旨公時在漢陽見而奇之曰子必有名於世館 世事选相師友與梅聖俞遊為歌詩相倡和遂以文章名 之門下公從之京師两武國子監一武禮部皆第一人遂 軟能誦比成人將舉進士為一時偶應之文已絕出倫華 哲親教公讀,書家貧至以狄畫地學書公敏悟過人所覧 |賊蜂起國用不給仁宗知朝臣不任事始登進范公及杜 允與修崇文總目慶應初遷集賢校理同知太常禮院求 哉同其退不同其進可也辭不就名還復校勘遷太子中 暴招討安撫使辟公掌書記公笑曰吾論范公豈以為利 移乾德令復為武成節度判官康定初完公起為陕西經 該前范公以為當點公為書責之坐貶峽州夷陵令明年 見輕論時政得失宰相惡之斥守饒州公見諫官高若韵 補外通判滑州事時西師未解契丹初復舊約京東西盗

欽定四庫全書

老六

之貶饒州公與尹師魯余安道皆以直范公見逐目之當 知其必為害常為上分別邪正勸力行諸公之言初范公 磨勘任子等弊中外悚然而小人不便相與騰口謗之公 退而上時所宜先者十數事於是有詔勘農桑與學校並 事又開天章閉召對賜坐給紙筆使具疏于前諸公惶恐 每勸上延見諸公訪以政事上再出手詔使諸公條天下 公首被選以太常丞知諫院賜五品服未幾修起居注公 正献公富文忠公韓忠獻公分列二府增諫員取敢言士 我之章正京

|與近世楊文公陳文惠公比逮公三人而已當因奏事論 品服仍知諫院故事知制語必試上知公之文有旨不試 多定四库全書 及人物上目公曰如歐陽修何處得來蓋欲大用而未果 而公愈奮厲不顧上獨深知其忠改右正言知制語賜三 得久留於朝公性疾惡論事無所迴避小人視之如仇雙言 朋用君子之真朋其言懇惻詳盡其後諸公卒以黨議不 子以同道為朋小人以同 利為朋人君但當退小人之偽 人自是朋黨之論起久而益熾公乃為朋黨論以進言君

廢又言竹代州岢嵐火山軍並邊民田廢不得耕號為 塞堡緩急不失應副而平時可省轉輸由是蘇州得不 **壘令五寨存故敵在二三百里外若五寨廢則夾河皆** 廢也麟州廢則五寨不可守五寨不守則府州遂為孙 津或請廢其五寨命公往視利害公曰麟州天嶮不可 也四年大臣有言河東易糧不足請廢麟州徙治合河 敵巢穴河内州縣皆不安居矣不若分其兵駐並河清

次定四車全書

禁地吾雖不耕而屬常盜耕之若募民計口出丁為兵

的以鎮壓士心軍中乃定初保州亂兵皆抬以不死既 諸軍怙亂驕恣小不如意輒肠持州郡公奏乞優假將 外官越職而言罪也上曰第以聞勿以中外為意河北 輸無為久留計有所欲言言之公曰諫官得風聞言事 亂又以公為龍圖閣直學士河北都轉運使陛辭上面 放過重民所不堪奏罷者十數事自河東還會保州兵 有議下太原師臣以為不便持之久之乃從凡河東賦 量入租栗以耕歲可得數百萬斛不然它日且盡為敵

重りし

飲定四庫全書 該之公曰禍莫大於殺已降況脇從乎既非朝命州郡 器河北方小治而二府諸公相継以黨議罷去公慨然 有一不從為變不細富公悟乃止公奏置御河催綱司 以失行擊獄言事者承此欲并中公遂起詔獄窮治 以督糧詢邊州賴之又置磁相州都作院以繕一路戎 後生變與公相遇於内黃夜半屏人謀欲使諸州同日 上書論之用事者益怒會公之外甥女張嫁公族人晟 續文章正宗

而悉誅之脇從二千人亦分隸諸州富公為宣撫使恐

奏者曰宗堯翰林學士宿之子有司右之私也遂出公 流內銓小人畏公且大用偽為公奏乞澄汰官官宦官 入見鬚髮盡白上怪之問勞惻然思意甚厚命判吏部 留守南京遷吏部即中丁韓國太夫人憂至和初服除 赦去官法當循資公引對取旨上特令改官官官有容 聞之果怒會選人胡宗堯當改官坐當以官舟假人經 二年徒揚州又從賴州遷禮部即中復龍圖閉直學士 貴產上使中官監劾之卒辨其証猶降官知滁州事居

常寺二年權知貢舉是時進士為文以說異相高文體 二年奉使契丹契丹使其貴臣宗愿宗熙蕭知足蕭孝 大夫知上有致治之意翕然相慶公以學士判三班院 友四人押無曰此非常例以卿名重故爾嘉祐初判太 召寘二府時慶歷舊人惟二公與公三人皆在朝廷士 為學士自除州之貶至是十二年矣上臨御既久遍閱 天下士羣臣未有以大稱上意上思富公韓公之賢復 知同州言者多謂公無罪上悟留刊修唐書俄入翰林 見しき日子

欽定四庫全書 侍即俄東翰林侍讀學士公在翰林凡八年知無不言 者稱善四年求罷遷給事中充羣收使唐書成拜禮部 擊有以包公之政勵公者公曰凡人材性不一用其所 大壞公患之所取率以詞義近古為貴凡以險怪知名 長事無不舉强其所短勢必不逮吾亦任吾所長耳聞 肅公以威嚴御下名震都邑公簡易循理不求赫赫之 者點去殆盡榜出怨謗紛然久之乃服然文章自是變 而復古三年加龍圖閣學士權知開封府事所代包孝

復決之患六塔狭小不能容受大河以全河注之演樣 **德博必被其害不若因水所趨增治堤坊疏其下流炎** 但勢不能久必決於上流耳横塊功大難成雖成必有 趙下以近事驗之決河非不能力塞故道非不能力復 諫集議公故奉使河北知河決根本以為河水重濁理 所言多聽河決商胡賈魏公留守北京欲開横壠故 無不於於從下起下流既於上流必決水性避高決必 回河使東有李仲昌者欲道商湖入六塔河的两省臺 7 黄文章王宗

之典也漢文帝即位羣臣請立太子羣臣不自疑而敢 藉籍公言武臣掌機密而得軍情不惟於國不便鮮不 使奮自軍伍多戰功軍中服其威名上不豫諸軍記言 以為身害請出之外藩以保其終始遂罷知陳州公當 當國主横壠之議恭公罷去而宰相復以仲昌之言為 因水災上言陛下臨御三十餘年而儲宮未建此久闕 然行之而敗河北被害者凡數千里狄武襄公為樞密 之入海則河無決溢散漫之憂數十年之利也陳恭公

弘定四库全書

卷六

請文帝亦不疑其臣有二心後唐明宗尤惡人言太子 欠己り早から 之要中書所當知者集為總目遇事不復求之有司時 防久闕屯戍者必加嵬補其在政府凡兵民官吏財利 天下兵數及三路屯戍多少地理遠近更為圖籍凡邊 為樞密副使明年為參知政事公在兵府與曾魯公考 疑而又不定乎公言事不擇劇易類如此五年以本官 嗣不早定而秦王以窥覬陥于大禍後唐遂亂陛下何 事然漢文帝立太子之後享國長久為漢太宗明宗儲 續文章正宗

|富公久以母憂去位公與韓公同心輔政每議事心所 金好四周石言 對日宗室不接外人臣等無由知之抑此事非臣下所 上曰朕有意久矣顧未得其人耳宗室中誰可者韓公 有可意相與力對之一日奏事垂拱讀二疏未及有言 官司馬光知江州呂強言之中書因将二疏以請幸上 得時東宮猶未定臣係間有言者然皆不免行最後諫 未可必力爭韓公亦開懷不疑故嘉祐之政世多以為 敢議當出自聖斷上乃稱英宗舊名曰宮中當養此人

六年十月也及命下英宗力辭上聽候服除七年二月 復除泰州防禦使判宗正寺來日復對上大喜諸公奏 當有漸容臣等議所除官時英宗方居濮王憂遠議起 退公奏曰此事至大臣等未敢即行陛下今夕更思之 今三十許歲矣惟此人可耳是日君臣定議於殿上將 行之可也上曰此豈可使婦人知之中書行之足矣時 日此事既行不可中止乞陛下斷之於心内批付臣等 來日取古明日請之崇政上曰決無疑矣諸公皆曰事

欠己日本人生的

續文章正宗

英宗既免喪稱疾不出至七月韓公議曰宗正之命既 金分口月百十 卷六

出外人皆知必為皇子矣令不若遂正其名使知愈退 上曰令當如何韓公未對公進曰宗室舊不領職事令 而愈進示朝廷不可回之意聚稱善乃以其累表上之

今若以為皇子詔書一出而事定矣上以為然遂下詔 有此命天下皆知陛下意矣然語較付問門得以不受

及宮車晏駕皇子嗣位海内泰然有磐石之固然後天 下皆詠歌仁宗之聖以及諸公之賢而向之黨議消釋

大王写中全生习 即治平初特遷吏部神宗即位遷尚書左丞公性剛直 正其後張康節公去位英宗復将用公公又力解不拜 垂簾而二三大臣自相位置何以示天下二公大服而 進擬不以告公公覺其意謂二公曰今天子諒陰母后 間卒復明辟樞密使當闕人公當次補韓公曾公議將 親政慈聖光獻太后臨朝公與諸公往來二宮彌維其 無餘至於小人亦應減不見矣英宗即位之初以疾未 公再辭重位諸公不喻其意而服其難八年遷戸部侍 續文章正公

學士知亳州事照寧初選兵部尚書知青州事充京東 說話問詞窮逐去公亦堅求退上知不可奪除觀文殿 之奇并以飛語汗公公杜門求辨其事神宗察其誣連 衆欲改封大國稱伯父議未下臺官意公主此議遂專 以武公言者既以不勝補外而來者持公愈急御史將 面喻可否雖臺諫論事亦必以是非話之以此得怨而 公不卸也朝廷議加濮王典禮詔下禮官與從官定議 平生與人盡言無所隱及在二府士大夫有所干請軟

請四年以觀文殿學士太子少師致仕公年未及謝事 而居室未完處之怡然不以為意公之在滁也自號醉 天下益以高公公昔守顏上樂其風土因卜居馬及歸 辭求知祭州從之公在亳已六請致仕比至祭逾年復 校太保宣徽南院使判太原府河東路經器安撫使公 示不為利罷提舉管勾官聽民以願請不報三年除檢 東路安撫使時訪路散青苗錢公乞令民止納本錢以

一次定四年全書 !

翁作亭琅邪山以醉翁名之晚年又自號六一居士

續文章正宗

之古人亦不可多得公於六經長於易書春秋其所發 效之不說則俗不淫則陋終不可及是以獨步當世求 太師追封究國公公之於文天材有餘豐約中度雅容 俯仰不大聲色而義理自勝短章大論施無不可有欲 太師論文忠天下學士聞之皆出涕相吊後以諸子贈 其文曰居士集居頓一年而薨享年六十有六贈太子 常置酒一壺 吾老於其間是為六一自為傳刻石亦名 吾集古錄一千卷藏書一萬卷有琴一張有棋一局而

書本紀法嚴而詞約多取春秋遺意其表傳志考與遷 次定四年全書 昔孔子生於哀周而識文武之道其稱曰文王既沒文 十八卷四六集七卷集古錄跋尾十卷雜著述十九卷 若干老歸榮集一卷外制集三卷内制集八卷奏議集 固相上下凡為易童子問三卷詩本義十四卷唐本紀 不在兹乎雖一時諸侯不能用功業不見於天下而其 表志七十五卷五代史七十四卷居士集五十卷外集 明多古人所未見當奉詔撰唐本紀表志撰五代史二 續文章正宗

董仲舒相繼而起則西漢之文後世莫能努歸蓋孔氏 **蓬炭遇之不能廢也及漢祖以干戈定亂紛紜未已而** 文卒不可揜孔子既沒諸弟子如子貢子夏皆以文名 其問卒不能振惟韓退之一變復古関其頹波東注之海 極矣雖唐貞觀開元之盛而文氣哀弱燕許之流倔强 之遺烈其所及者如此自漢以來更魏晋歷南北文弊 叔孫通陸賈之徒以詩書禮樂彌縫其闕矣其後賈誼 於世數傳之後子思孟子孫卿並為諸侯師秦人雖以

金グレノスニア

第尤獎進文士一有所長必極口稱道惟恐人不知也 孫明復梅聖俞既沒皆經理其家或言之朝廷官其子 遂復西漢之舊自退之以來五代相承天下不知所以 公前後歷七郡守其政察而不岢寬而不弛吏民安之 至今千數百年文章發而復與惟得二人馬夫豈偶然 劉而已及公之文行於天下乃復無愧於古於乎自孔子 為文祖宗之治禮文法度追迹漢唐而文章之士楊 也哉公篤於朋友不以貴賤生死易意尹師魯石守道

次定四車全書

續文章正宗

|岐國太夫人男八人發故承議即変故光禄寺丞集朝 憲通仕即恕奉議即愬故宣義,即愿懋皆將仕即孫女 奉大夫辯故承議即餘早亡孫男六人惡故臨邑縣尉 大雅之女後娶薛氏資政殿 學士簡肅公奎之女追封 初娶胥氏即翰林學士偃之女再娶楊氏集賢院學士 國以語公公終身行之以謂漢法惟殺人者死令法多 滁揚之人至為立生 祠鄭公常有 遺訓戒慎用死刑韓 犯死罪故死罪非殺人者多所平反蓋鄭公意也公

辭銘曰 久已日東上 子赡許馬既又至於大故轍之不敏以父兄故不敢復 報皆流落不偶元祐初會於京師公家以公碑該子瞻 試稠人中公與梅聖俞得其程文以為異人是歲轍亦 中下第公亦以謂不忝其家先君不幸捐館舍亡兄與 隱居鄉閱聞天子復用正人喜以書遺公公一見其文 曰此孫卿子之書也及公考武禮部亡兄子瞻以進士 七人皆適士族公之在翰林也先君文安先生以布衣 續文章正宗 世

之文忠之遺忠臣不危仁祖之思 髮蒼顏異然在廷功成而歸維公本心彼亦何知言恐 之債而復全惟天子明克明克忠乃卒有成逮歲嘉祐 不深頼水之濱甲第朱門新鄭之墟茂本髙墳野人指 君臣一德左右天造民用飲食舜禹相授不改舊臣白 且忠有烽其光上實開之下實祝之三起三債誰實使 之實難匪不用賢有孽其問公奮自南聲被四方名文 於穆仁宗有臣文忠自嶮而夷保共初終惟古君臣終 金グレノノニ THAT SIDE ALLEND 瀬昌里第上祭其不可強起許之然每對輔臣以不見 使召使者問資相屬公以疾辭遣國醫住視公固請還 提舉高山崇福宮不數月以觀文殿大學士中太一宮 |籽屬以重任初授光祿卿分司南京道進右正議大夫 相范公以武安軍節度副使安置永州即日走中貴人 湖南致上及皇太后命勞賜甚龍所咨皆國家大體盖 元行三年今皇帝既即政虚心求賢首訪遺老時故丞 **心宣范公墓誌銘** 續文章正宗 曾

前不視朝間對輔臣語及公報動容常膊外賜其家銀 朝有司節惠諡曰忠宣四月庚子葬公河南尹樊鄉高 安山之原公諱純仁字堯夫曾祖唐國公諱替時祖周 濟忠直四字曰以是書于墓陸碑首又記葬日為報視 三千兩贈開府儀同三司敕頼昌河南給其葬事賜世 國元年正月癸亥薨年七十有五上聞震悼會皇太后 眷侍者德求治之意既而公疾益侵請老不許建中靖 公為恨又手詔公曰卿有忠言嘉謀宜時陳奏以副朕

金以口及石雪里

皆累贈太師開府儀同三司曾祖妣陳氏唐國太夫人 得之寤而生公五歲知讀書八歲能為其徒誦說書義 太夫人世家蘇州文正公葬河南遂為河南人文正公 祖妣陳氏周國太夫人謝氏秦國太夫人妣李氏楚國 國公諱墉考楚國公常參知仁宗政事諡文正諱仲淹 論議設張紀于國書暴于天下有德有勞為宋名臣畜 ランフラー ここ 十有一歲喪太夫人哭泣如成人既長力問學為文長 不盡施鍾于其子楚國太夫人夢兒墮月中承以衣裾 衛文章正宗

書省著作佐即知汝州襄城縣為政有惠愛課民種桑 於論議思補太常寺太祝皇祐元年進士起家歷知常 封府薦知襄邑縣大與學校士爭歸之衛士挾牧地暴 籍辭不就簽書許州觀察判官事州賴以治賈黯知開 民獲其利號其桑為著作林用舉者召編校昭文館書 州武進許州長葛二縣皆不赴文正公薨廼出仕以秘 須農以養邱兵當先邱農朝廷是之釋不問且聽牧地 民田公取一人杖之牧地初不禄縣有詔劾公公言兵

| 銀定四库全書

部罪追尊趣公就職公猶以不皆如從官議請去益堅 出房選異日或為權臣矯托之地非人主自安計時已 入繼之主具請如從官議繼與御史呂部等更入論奏 隸縣自公始治平元年以其官為江東轉運判官推殿 王為皇夫人為后公復言陛下以長君臨御奈何使命 官異論公言陛下親受仁宗諂而為之子與前代定策 中侍御史遷侍御史時方議濮安懿王典禮大臣與從 不聽則皆納告牒家居侍罪既而內出皇太后手書尊 賣文學正京

7.7

書口怨豈在明不見是圖願陛下圖不見之怨上問何 |新州歷京西提點刑獄京西陝西轉運副使台還除尚 書兵部員外即兼起居舍人同知諫院未幾加直集賢 |濮王事引誼據經語斤大臣尤切縣是名震天下徒知 王内修政事外攘夷狄之志得王荆公任之多所更張 上不得已出公通判安州公在臺數言人所難言及爭 公自選朝即勸上母開邊以又言變改法度人心不寧 院同修起居注判國子監神宗初即位慨然有追迹先

贖不尚止其於君子小人之 際尤反復激切無所諱避 **選传任偏聽為戒大則廷論小則疏遠未聽則連章累** 者是也上善之令條古事可為戒者以聞公作尚書解 **當論當韓公在相位不當數移疾杜門自為形迹呂論** 進君子退小人愛人材申公論為急崇聚斂事苛刻親 謂不見之怨公曰古人所謂天下之人不敢言而敢怒 以進及為諫官前後為上言者以休兵省事節用富民 ・・・ フシュー 不當罷御史中丞李師中不可守邊薛向不可任發運 黄文紀早正公

一 造指切削公并及它大臣詞氣甚属上祭其忠留章弗 數言其以五霸富國疆兵之術啓迪人主失天下望既 速成人材不可遽求積敝不可頓革自古人君欲事功 臣遽以罪絀令在廷何附者衆奈何陛下更以法驅之 巫就必為儉 佞所来不可不察公雅與荆公厚善至是 開陳類如此上方鋭於,求治又言道遠當馴致事大難 而劉琦錢顕孫昌龄同時罷御史公又言琦等一言柄 使向行均輸法於六路必將接克生民斂怨基禍它所

一 我好四,好全書

 $\sqrt{}$

龍圖問知慶州環慶路經界安撫使入見上問公兵法 使坐失察僚佐熊游事左遷知和州徙邢州未至加直 邊事皆對非所習因懇辭邊任不許慶自文正公為將 中書門下執政見之怒出知河中府徙成都府路轉彈 有恩公至會歲艱脈發以時全活甚衆既而蓬生嵌野 公固辭執政或遣所親諭公速起且除知制誥矣公曰 下而公請去不已至闔門不出迺罷諫院留修起居注 "以利誅我也言不用萬鍾於我何加馬錄所上章納

あり、ととれたろん

信減半以喪子請能得管勾西京留守司御史臺再知 多盗訟前守率尚威嚴公獨治以思信歲終犯法者視 |使至無負者會屬郡流人道慶稱冕按得冤狀郡將种 部人數萬號泣遮道童兒相率誦詩隨之久過去獄成 古訟公挾情變獄部移獄比郡出御史治之遠公就對 大穰或言公禀貸過多遣使按視民聞之爭先輸官比 古坐誣告抵罪公猶以它事奪職知信陽軍從齊州齊 結實如栗可食公私獲助復為管來歲耕稼之具歲以 | 銀定四年全書 | ||

年夏復以直龍圖閣知慶州歲中推天章閣待制名還 河中府論教保甲妨農事甚力累遷朝議大夫元豐八 充侍講又除給事中時哲宗宣仁太后共政司馬温公 而正士将卷懷退避是時初改熙寧案問自首法公奏 力為温公言之溫公有所建請公復言宰相當虚心以 不然滋為民病且宰相職在求人變法非所先也還朝 延衆論不必謀自己出謀自己出 則論諛得來問迎合 相首改差役法公聞之謂人曰此事當熟講而緩行

一段定四車全書 |

續文章正宗

展兵棄地因使歸所掠漢人執政持之未決會公入極 立文太深又言四方奏議大辟有司一以八年十 服公平直知前於荆公非尚為異也明年二月進吏部 記書從事坐死者,視舊數倍非先王寧失不經之意蓋 宮亞遣中使賜太官饍出手諂問禦備西戎之策公請 尚書不數日拜中大夫同知樞客院事初公還自慶两 府復申前議又請予地之外歸一漢人予絹十两事皆 公雖與温公同志及臨事有所矯正類如此於是人皆

章惇節縮公皆力為排解因言臣當為縮誣奏坐熙今 |章塞上以謝過人而議者欲致其子收河南故地故赦 俘番恆鬼草以獻兩宮歸功輔臣褒賜異甚公請誅鬼 施行既而夏人未順公請陝西一即自动不許會邊臣 日所陳恐錄人之過太深實繫國體兩宮感悟即日遣 執政務以博大開上意忠篤革士風在樞府時言者攻 三年春拜太中大夫尚書右僕射兼中書侍即公自為 不殺其後又欲官之公復因爭然鬼章子卒不至元祐

一次定四庫全書 一

衛文章正宗

|并錄歐陽文忠公朋黨論以進明年知漢陽軍吳處厚 韓維能門下侍即補外公奏軾無罪維盡心國家弗避 意浸潤之說稍行學士蘇軾草策問題或言引用不當 嫌誇不可因諮言絀及在相位諫官王觀坐論朋黨貶 問言者亦勿復以言既而在廷頗分朋黨論議多出私 中使手記嘉納因下詔書前日希合附會之人一切勿 公復為辯君子小人朋黨之異因極言前世朋黨之禍 上蔡丞相確安州所為詩傳會解釋以為謗訕者言遂

者三千餘喪又推之一路夏人犯邊公直将佐引谷歸 進大學士知太原府河東經各安撫使庭民燼骨未养 為右相仍遷通議大夫公前為相時有司請歸河故道 已章累上迺貶扶一等徙知河南府再徙頼昌召還復 公為觀文殿學士知賴昌府築防備水後賴其利踰年 公進則與同列爭於策前退則上疏極論無虚日蔡丞 欲擠之死地執政主其說獨公與左丞王存以為不可 相貶新州言者指公二人異論公二人亦堅求罷廼以 域文章正宗

已而復決人力為之大敬至于令未復也公遇事不苟 極論兩宮然之而役猶不報及公再相又遣從官御史 言主議者不懌家啓以手訟督趣公復固爭兩宮悟為 令公私匱乏當緩其役朝廷為出近臣住視還奏如公 同列患之或諷公再相時御史皆有言公即避位不聽 經度不能易前說然主議者必欲成之後雖暫歸故道 收還手記公既罷而河役復與調發及賴昌公又上疏

赵好四周全重

二三大臣主其議公獨爭以為壅水使高必難成功況

太皇太后勤勞公正保佑扶持之心請依明道故事下 對無所回隱因勸上慎擇執政臺諫官且言仁宗朝委 **密薦人材者報以質於公人常問先朝法度公悉心以** 韶戒妄議者蓋明道中詔實文正公啓之及是公又以 始終一節以勉公宣仁崩小人爭論垂簾時事公力陳 上嘉納之初公召還宣仁當稱文正公在天聖明道間 事執政而臺諫實參論議可以為法然不可用非其人 こうこうこう 固請上亦固留之時上方親政於大臣中注意獨厚有 南文章正宗

記片四母全書 奏武帝雄材大畧史無貶詞況轍所論事與時也非論 論改先朝法度引漢武的父子為言上怒儉非其倫自 為言羣御史撫蘇較所行制詞以為弘及先朝蘇報害 人也上意稍解軾轍平日與公論異至是人益服公為 轍勢盛時無所論士敦官蜀日之印為監司未常按詢 仁從弟高士敦蜀中不法事公奏御史在位日久當軾 門下侍即貶汝州御史來之即以為責輕之卻又論宣 旦乃爾其情可見上之怒骸也轍不敢自明公獨前 Į

肆赦大臣前疏呂丞相大防已下數十人終身勿從公 蛀 書問公貶窟之人殆將永廢公前賛曰陛下及此堯舜 亦坐奪一官從知河南府辭行改知陳州公在位時上 右正議大夫知頼昌於是元祐公卿大夫相繼貶眾公 平時上方更用大臣公力請罷復以觀文殿大學士加 即為中理請悉追還辭甚懇至忤大臣意落職知隨州 用心也因請以時叙復如廢及罷辭上又從容諭曰卿 在外有所見宜悉以聞母事形迹至是上方祀明堂

欠足切り上上

續文章正宗

Ĕ

之忠恕二字而已蘇是所至人歸其仁而憚其正歷事 喪明告老大臣弗許通明年再貶永州在永三年怡然 均及屬人前後任子恩多先疎族故公及之日知子五 怒於後也公性夷易寬簡弗以聲色加人及誼所在則 自得或加以横逆它人莫能堪而公不為動亦未當含 四世終始無閒言自為布衣以至宰相廉儉恭遜不少 挺然不少屈推誠好善不為忮克當曰吾平生好學得 加損政府恩錫屢斥以廣義莊晚年南還貧甚得賜輙

金为口人合言

らんったりませんかり 文正公四子長子少有大志不幸疾廢公與权季克世 方郊社齊即直雅直英直清直舉直儒女一曾孫一盖 德即正路正國五女歸 將作監主簿崔保孫朝請即莊 子正民單州團練推官正平忠武軍節度推官正思宣 正路崔氏司馬氏二女皆前卒孫男七直彦宣義即直 女有賢德能成公志封魏國夫人卒永州今舉以祔五 孫未官賴上膊乃克葬公之配王氏天章閣侍制質之 公岳奉議即司馬宏承議即蔡穀通直即郭忠孝正民 續文章正宗

馬其在朝廷惟務獎進人材故夫下善類視公用舍以 金分四月百十 於平恕不為已甚世謂使其言行於照寧元豐時後必 為消長有文章論議五十卷而論議之文實傳天下主 難進易退雖優點廢志氣彌勵人以為有文正公之風 起哀哉既病口授諸子遺奏數百言讀者益數其忠初 上虚已侍公天下亦幸公復用而公疾不能朝以至不 不至紛更盡申於元祐中必無紹聖大臣警復之禍令 其家而公憂國愛君不以利害得喪貳其心刻意名節

|昌果賴其力其前知又如此某晚游公門辱知厚甚手 公不言利封疆之畫公曰休兵廟堂之論公則持平利 父子再東國釣有德有言百世弗限公起諸生至位丞 告穆叔流非不長止曰世祿孰為不朽維後有人若公 遠矣范宗陶唐其系更夏商周保姓受氏在晉宣子以 ここりは ハルラー 書談以銘文誼不得辭銘曰 公南還道遇故人唐義問屬以後事比薨義問適守頼 , 節不回雖老猶壯御史抗議公惟守禮諫垣建白 續文章正宗

害異趣公為砥柱愛惡相雖公為虚舟世夸以爭公避 世屢亨屢屯白首南遷縱心順命已僵復起天子之聖 來咨不假方冊請視豐碑世濟忠直 髙日赫歸從先君萬洛之側帝念公賢形于詔墨後人 建中清國元年五月庚辰觀文殿大學士太子太保致 有澤在民有謀在國壽非不多人以為嗇惟其卓偉山 不有衆所憚行公惟恐後堂堂嶷嶷古社稷臣正色四 贈司空蘇公墓誌銘

金万世是台書

卷六

寇其後建武父子純章祖孫俱顯于漢章後十有三世 脾恤其家葬事官給崇寧元年十一月 丙申葬丹徒縣 世為時元臣退老于家始終一德可謂盛哉壞世家武 朝而公父子又以儒學顯公起書生致位丞相歷事五 後昆吾之子封於蘇子孫因以為氏在周忿生實為司 而綽威復顯周惰又三世而環題相唐聲列益大至本 7 a. 15 met 1.14. 義理鄉樂安亭五州山之東北阜維蘇氏出帝高陽之 仕蘇公麂于潤州計閩上報視朝二日贈司空走中使 衛文章正宗

起家被遇仁宗入翰林為學士議論文采震耀一時有 其贈司空司空之子舉進士不合改授武職終左屯衛 為同安人當問實末平盗有功歸朝雅左也衛将軍官 将軍諱基贈太師福國公是生公考諱紳以賢良方正 之左衛聞之喜曰兒有陰德其後必大是為公曽祖諱 其十子左衛平盜時其子得盗所募人名籍千餘紙焚 隨王潮入閩生光誕仕閩為漳州刺史居泉州同安遂 功元和中曽孫奕卒光州刺史始家固始又四世孫益

包分四月五十十

9

卷六

寧縣有能名丁外艱服除為南京留守推官歐陽文忠 科調漢陽軍判官不赴改宿州觀察推官徒知江寧江 任子當得京官辭不就再舉進士為別武第一遂中其 就師學力省功倍未冠出舉進士軟據上游是時魏公 如張 氏祖妣劉氏翁氏如陳氏封代隨徐魏四國皆太 傳國史贈太師魏國公葬潤州故令為丹徒人公曾祖 夫人公諱頌字子容性警敏甫能言應對不類常兒既 方處顯公深自刻屬敝衣徒步所交皆當世豪雋魏公 黄文年王宗

高估緩期官自為市民不知擾而課最他郡賴人德之 還為提照開封府界縣鎮公事建請沒自盟白溝主刁 連章薦公名試除館閣校勘遷大理寺丞歷集賢校理 四河以疏畿内積水增西北諸縣屯兵以備非常明年 數廼以知賴州仁宗山陵調發倉卒公為度土産有無 宰相富鄭公韓魏公賢之問所欲懇求補外二公益稱 同知太常禮院編定集賢院書籍在館九年康静自守

欽定匹庫全書

公時為留守政事一以倚公府賴以治皇祐五年近臣

數月召修起居注判尚書禮部祠部三司磨勘司太常 堅卧如常徐使守衛卒撲滅之是夕州人謹言敵有變 火左右請與敵 使出避兵叩門欲入核公不為動閉門 者稱善久之益知公為可用及使淮南入辭勞問甚寵 **拔兵亦欲乗間生事至聞京師使還上聞公所以處之** 支判官累遷尚書工部即中出為淮南轉運使神宗自 果有水蓝盗起長垣至賊殺官吏如公慮入三司為度 在藩邸聞公名及即位公適送伴契丹使次思州驛夜

知制語宋敏求以定驟自幕職而升朝著任執法非故 秀州軍事判官李定召見握太子中允監察御史裏行 自是命官無杖照者上方屬精為治急於人材大臣薦 刑為徒隸恐污辱衣冠仲宣繇此得免杖縣止流鎖外 |岛公奏古者刑不上大夫仲宣官五品有罪得乗車令 官告院判司農寺知三年禮部貢舉公在審刑知金州 寺熙寧元年擢知制語歷知通進銀臺司審刑院提舉 張仲宣受財枉法抵死法官接前比貸死杖脊縣配海

一致定四庫全書 一

官不拘官職高下為言且曰格命人將得辜公對臣既 來雖有幽人異行亦不至超越資品今定非有積累之 言祖宗朝天下初定故有起孤遠而登顯要者真宗以 秩或可以收路致也疏入手詔召公對上引近詔舉臺 資明白之効一言稱旨便授御史浸漸不已恐高官要 知其不可若因名論遂變前言則是懷姦固位此尤陸 下所當華也退而又論舉官詔意不為選人設文時故 事與公及李大臨相繼封選詞頭不草制的再下公公

次至日華·在計

横文章正宗

得知婺州徙亳州歸勾當三班院加集賢院學士未幾 |擇守上日蘇某仁厚必能拊安吳人廼命知杭州補敗 止授秘書監歲中復召為三班院知銀臺司會吳越饑 寝公以守職不回絀人望益重賓客滿門日奉朝請雖 固執不行過與大臨俱罷歸班而定御史之命亦為中 出知應天府時更三赦大臨已復從官而用事者抑公 求前罷公與大臨更奏復下至于七八最後特以付公 風雨寒暑未當移疾家貧檐石不充無愠色歲餘會思

多シャメノニ

者遣之或謂公縱純罪有詔推鞫獄成公坐失出杖皇 夫元豐初權知開封府聽決精敏上以為能會有人告 |扶荒恩意户至皆會賓屬有美堂或傳練將兵謀竊發 知濠州是時公女新嫁李徽之子純蓋李出於徽之屬 僧犯法事連祥符舊令孫純而所告法不當治公杖告 坐容莫知也踰年召修國史提舉中太一宮進諫議大 州人枸懼公客使捕首惡十數單付獄終熊談笑如常 而已御史舒直奏公與純連婣不可以失論降秘書監

次足四事全門

衛文章正宗

皆自誣詞也上閱欲詞疑不直部更劾實御史推躬題 疏李族大公實不知也公在開封當治國子博士陳世 **甚誣人死不可為若自誣雖重得卑不避手書數百言** 事在有司臣固不敢言寛亦不敢諭之使重既而公罷 世儒夫婦上以話公且日此人倫大惡母縱有鼻公對 儒母為群姓所殺事獄具軟為法官所駁或謂公欲寛 生とロスと 公又移御史臺自濠逮公赴對御史以言導公公曰使 開封獄移大理寺大理奏世儒妻母因緣大臣有請于

・ ララー・トー 未應法諂以舊官判公當建請歸諸司於尚書省以復 月復太中大夫名判尚書吏部時頭知制語論公復官 事奪宣非命也如卿直道久而自明公頓首謝到滄數 辭行改知滄州入辭上曰朕知卿久矣每欲用卿報為 於是種民抵鼻而公得白顧當因人語及世儒惟箔事 上眷不衰歲中起知河陽重復言未當遽與藩郡公亦 大理丞賈種民增損囚詞以為有請得其豪于獄吏家 公應曰然以是為泄獄情罷郡歸班公雖坐吏議絀而 南文章正宗 Ŧ

一欽定匹库全書 膊外賜白金干兩元祐初服除授刑部尚書詳及敕令 省恩再選光禄大夫母疾在告上恠不見公使樞客都 |賢院學士進通議大夫吏部侍即以詳定勞及車駕視 終有條士無留滯有自辨者人人使盡其說故雖不得 左丞踰年拜右僕射兼中書侍即公前後歷典四選銓 依遷吏部兼侍讀改翰林學士承旨五年三月拜尚書 承旨張誠一就問趣出視事會母喪再遣中人事恤法 唐舊至是命公詳定官制尋復太中大夫官制行罷集

· : 7 ! ::, 月出知楊州明年除知河南府公力辭行復知揚州 楊畏來之卻劾公稽留制書公即拜章侍罪累上不許 權勢號為敢言更赦除州非允論於策前未決而御史 坐言事出既復監司更赦除知蘇州公謂易論事不避 進退人材弗專主己理有未當亦不茍從侍御史買易 迪及登丞弼論議持平務循故事避遠權寵不立黨援 固辭老病八年三月罷為觀文殿大學士集禧觀使 所欲亦心服而去其修敕令必本大體為侍讀多所啓 鼓文写上京 =

皆歎息而去博學於書無所不讀,圖緯陰陽五行星歷 士築第京口僅嵌風雨比麂來爭哭者見其服用儉素 故天下推為鉅人長者尤以禮法自持雖貴奉養如寒 校守杭日人或以事屬公不各既而其人當言路數排 少師致仕令上即位遷太子太保薨年八十有二前薨 **迮公公不自辨亦未嘗為人言也凡所施為主於寬恕** 上書還政授中太一宮使紹聖四年再告歸延以太子 日猶接對賓客臨終神色不亂公天資閱厚有犯不

欽定四庫全書

JE TO CHILLY THE

奏唐制吏部有三銓令欲文武一歸吏部宜分左右曹 講之類其言甚衆益不可一二舉也修官制時議者欲 著在臺問如論郭皇后當稍后廟侍講非師臣不當坐 引古祭酌時宜以對上未當不嘉歎馬至於因事建明 有所制作公必與馬每燕見從容多所諮訪公必據經 言照磨不絕學士大夫有解書疑事多從公質問朝廷 分文武選於吏兵部上謂三代兩漢初無文武之别公 下至山經本草訓詁文字靡不該貫尤明典故喜為人 美之計上に

敏定匹庫全書 後日官言其非是諂近臣覆視以公法為密卒不能易 散逸命公孀拾次比為書再春而成合二百五十卷書 它所訂正類如此上以契丹通好百年典章案順往往 當孰從公為言應家算術小異則遲速不同各從本朝 冬至本朝歷先契丹一日公適在敵中敵疑彼此致慶 奏稱善賜名華戎魯衛信錄前後再使契丹熙寧十年 以主兩選每選又以品秩分治之於是四選之法定馬 歷可也上聞善之當奉 韶校歷因奏 製渾儀時稱其工

屯田即中景陽女継室辛氏韓國夫人駕部員外即有 即邑户四千七百實食一千三百元妃凌氏吳國夫人 公兄弟所稱有文集若干卷累熟上柱國爵公開國趙 國時吳有暨艷造管府之論恐其後問陶鄉里廼崇安 公進日當以入聲呼之果出應上問何以知之公對三 士唱名於集英殿有豎陶者主司呼以去聲三呼不應 也害與補注本草詳定天下印文多所種正元豐中進 人上喜口果吳人也公為文章馴雅有體尤為宋元獻

欽定四庫全書 攜通直即三女次二前卒左朝議大夫李孝鼎朝散即 名德畧相似馬然則杜公可謂知人已銘曰 異日所至亦如老夫其後公更踐內外以至得謝爵齒 獻公尚亡恙皆為公道其平生出處施設本末且日子 十二嫁者六人曾孫男女十三人初公從事南京杜 即處厚水事即德與行冲季輔皆水奉即其其未仕女 劉瑄襄州錄事參軍貨收其壻也孫男十九象先奉議 則女六子養嘉朝奉即駒朝散即治承議即京奉議即 巻六十二十

亭樓魄于此尚對前休公多才子 義必爭君子之剛身有訟信色無欣戚吾誰黨雙人就 身其學伊河海弘山畜問無不酬鍾叩龜卜其德伊 惡戰晚濟鼎軸師保東宮五朝元老男退齊終樂安之 翰林施不及遠是生僕射為宋世臣德以承家學維發 ここう自いた 玉質金相見於言行規圓矩方不競不練則維其常當 不絕書將相公卿父子紹居遭亂南遷俟時而顯英英 蘇姓之與自周司冠列用中罰有善其後更漢遠唐史 情文章正宗 丰

